

BOSNA I HERCEGOVINA
BRČKO DISTRIKT
BOSNE I HERCEGOVINE
Direkcija za finansije/financije
Brčko distrikta BiH



БОСНА И ХЕРЦЕГОВИНА
БРЧКО ДИСТРИКТ
БОСНЕ И ХЕРЦЕГОВИНЕ
Дирекција за финансије
Брчко дистрикта БиХ

Мирослава Крлеже 1, 76100 Брчко Дистрикт Босне и Херцеговине; Телефон: 049/ 220 890, Факс: 049/ 220-078

Miroslava Krleže 1, 76100 Brčko Distrikt Bosne i Hercegovine; Telefon: 049/ 220 890, Faks: 049/ 220-078

PLAN BORBE PROTIV KORUPCIJE DIREKCIJE ZA FINANSIJE BRČKO DISTRIKTA BOSNE I HERCEGOVINE 2025–2028. GODINA

Brčko, maj 2025. godine

SADRŽAJ

DEFINICIJA KORUPCIJE	3
NADLEŽNOSTI DIREKCIJE ZA FINANSIJE BRČKO DISTRIKTA BOSNE I HERCEGOVINE	3
ORGANIZACIONA STRUKTURA DIREKCIJE ZA FINANSIJE BRČKO DISTRIKTA BOSNE I HERCEGOVINE	3
PLAN BORBE PROTIV KORUPCIJE DIREKCIJE ZA FINANSIJE BRČKO DISTRIKTA BOSNE I HERCEGOVINE	4
Vremenski okvir Plana borbe protiv korupcije Direkcije za finansije Brčko distrikta Bosne i Hercegovine.....	4
Eventualni rizici u implementaciji Plana borbe protiv korupcije Direkcije za finansije Brčko distrikta Bosne i Hercegovine.....	4
Finansijska projekcija implementacije aktivnosti.....	5
Monitoring implementacije Plana borbe protiv korupcije Direkcije za finansije Brčko distrikta Bosne i Hercegovine	5
TABELARNI PREGLED AKTIVNOSTI ZA PROVOĐENJE PLANA BORBE PROTIV KORUPCIJE DIREKCIJE ZA FINANSIJE BRČKO DISTRIKTA BOSNE I HERCEGOVINE	6

DEFINICIJA KORUPCIJE

Zakon o Uredu za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta Bosne i Hercegovine”, broj: 26/24) korupciju je definisao kao „svaku zloupotrebu moći povjerenu javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita“.

NADLEŽNOSTI DIREKCIJE ZA FINANSIJE BRČKO DISTRIKTA BOSNE I HERCEGOVINE

U skladu s članom 12. Zakona o Direkciji za finansije Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 16/24):

- a) prikupljanje i raspodjela javnih prihoda Distrikta;
- b) provođenje politike u oblasti finansija Distrikta;
- c) donošenje provedbenih propisa iz oblasti finansije i njihovo objavljivanje u „Službenom glasniku Brčko distrikta Bosne i Hercegovine“;
- d) provođenje zakona i drugih propisa;
- e) davanje mišljenja o primjeni propisa iz oblasti finansija;
- f) podnošenje izvještaja Skupštini Brčko distrikta Bosne i Hercegovine o raspoloživosti prihoda za godišnji budžet;
- g) učestvovanje u izradi budžeta u koordinaciji sa zamjenikom gradonačelnika Distrikta;
- h) dostavljanje izvještaja o izvršenju budžeta u skladu sa zakonom, a za potrebe gradonačelnika;
- i) provođenje Zakona o sistemu državne pomoći u Bosni i Hercegovini za Distrikt;
- j) uspostavljanje sistema interne kontrole i interne revizije u skladu s članovima 14, 15, 16, 17, 18, 19. i 20. Zakona o budžetu Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 34/19 i 22/23).

ORGANIZACIONA STRUKTURA DIREKCIJE ZA FINANSIJE BRČKO DISTRIKTA BOSNE I HERCEGOVINE

- Za izvršavanje poslova iz nadležnosti Direkcije, na način propisan članom 2. ovog organizacionog plana, utvrđuje se sljedeća unutrašnja organizacija:

**Direkcija za
finansije Brčko
distrikta Bosne i
Hercegovine**

Ured direktora	Porezna uprava	Stručna služba	Trezor	Ured Centralne harmonizacijske jedinice
---------------------------	---------------------------	---------------------------	---------------	--

Tabela 1. Organizaciona struktura Direkcije za finansije Brčko distrikta Bosne i Hercegovine

PLAN BORBE PROTIV KORUPCIJE DIREKCIJE ZA FINANSIJE BRČKO DISTRIKTA BOSNE I HERCEGOVINE

Plan borbe protiv korupcije Direkcije za finansije Brčko distrikta Bosne i Hercegovine 2025–2028. godina (u daljnjem tekstu: Plan borbe protiv korupcije Direkcije za finansije) predstavlja antikoruptivni dokument preventivnog karaktera, koji definiše mjere i aktivnosti usmjerene na prevenciju korupcije.

Ključni strateški dokumenti u borbi protiv korupcije u Brčko distriktu Bosne i Hercegovine su Strategija za borbu protiv korupcije u Brčko distriktu Bosne i Hercegovine 2025–2028. i Akcioni plan za provođenje Strategije za borbu protiv korupcije u Brčko distriktu Bosne i Hercegovine 2025–2028. („Službeni glasnik Brčko distrikta BiH”, broj: 13/25), koji su usvojeni od strane Vlade Brčko distrikta Bosne i Hercegovine, Odlukom o usvajanju Strategije za borbu protiv korupcije u Brčko distriktu Bosne i Hercegovine 2025–2028, broj predmeta: 05-000214/25, broj akta: 01.11-1186NK-002/25 od 27. 2. 2025. godine i Odlukom o usvajanju Akcionog plana za provođenje Strategije za borbu protiv korupcije u Brčko distriktu Bosne i Hercegovine 2025–2028, broj predmeta: 05-000214/25, broj akta: 01.11-1186NK-003/25 od 27. 2. 2025. godine.

Plan borbe protiv korupcije Direkcije za finansije sadrži mjere i aktivnosti koje prvenstveno doprinose realizaciji ciljeva i aktivnosti iz spomenutih strateških dokumenata, a dodatno uključuje aktivnosti usmjerene na jačanje integriteta unutar same Direkcije za finansije. Poseban akcenat stavljen je na prevenciju i rano prepoznavanje rizika od korupcije, prijavljivanje svih potencijalnih slučajeva korupcije, kao i na podizanje svijesti zaposlenih u Direkciji za finansije o važnosti integriteta i etičkog ponašanja u radu.

Vremenski okvir Plana borbe protiv korupcije Direkcije za finansije Brčko distrikta Bosne i Hercegovine

Plan borbe protiv korupcije Direkcije za finansije odnosi se na period 2025–2028. godina, čime se osigurava direktna poveznica sa vremenskim rokovima predviđenim za provođenje aktivnosti iz Akcionog plana.

Eventualni rizici u implementaciji Plana borbe protiv korupcije Direkcije za finansije Brčko distrikta Bosne i Hercegovine

Rizici koji bi mogli uticati na uspješnu implementaciju Plana borbe protiv korupcije Direkcije za finansije su:

- Nedovoljna angažovanost subjekata provođenja,
- Nedostatak finansijskih i drugih resursa,
- Nedostatak sistematičnosti i koordinacije.

Finansijska projekcija implementacije aktivnosti

Akcionim planom su definisane aktivnosti koje je potrebno sprovesti, ali nisu predviđeni tačni finansijski iznosi za njihovu realizaciju. Razlog za to je što je u trenutku izrade Akcionog plana bilo teško precizno odrediti troškove, usljed stalnog rasta cijena i promjenjivih tržišnih uslova. Zbog toga će Direkcija za finansije potrebna sredstva za realizaciju svojih aktivnosti planirati u okviru svog budžeta.

Monitoring implementacije Plana borbe protiv korupcije Direkcije za finansije Brčko distrikta Bosne i Hercegovine

Monitoring provođenja plana borbe protiv korupcije podrazumijeva kontinuirano praćenje i ocjenjivanje stepena realizacije definisanih mjera i aktivnosti. Ovaj proces se prvenstveno zasniva na redovnom izvještavanju putem Obrasca za izvještavanje o implementaciji Plana borbe protiv korupcije. Izvještaji o realizaciji aktivnosti dostavljaju se dva puta godišnje, u skladu s članom 9. stavom (4) Zakona o Uredu za prevenciju korupcije i koordinaciju aktivnosti na suzbijanju korupcije i to do 15. januara, odnosno 15. jula za prethodni šestomjesečni period.

TABELARNI PREGLED AKTIVNOSTI ZA PROVOĐENJE PLANA BORBE PROTIV KORUPCIJE UREDA

SPECIFIČNE AKTIVNOSTI					
Broj aktivnosti	Naziv aktivnosti	Provodioci	Rok za provođenje	Indikator uspješnosti	Potrebni resursi
1.4.1.1.	Podizanje svijesti službenika poreske uprave putem edukacija, seminara i radionica, praćenja rada putem mjesečnih izvještaja o radu i saradnjom i komunikacijom s poreznim obveznicima	Direkcija za finansije - Porezna uprava Brčko distrikta BiH	Kontinuirano	Broj realizovanih edukacija, seminara i radionica za službenike Porezne uprave, kao i broj izrađenih mjesečnih izvještaja o radu	Raspoloživi resursi / u skladu sa funkcionalnim nadležnostima
1.4.1.2.	Redovno provođenje internih kontrola procesa u Poreznoj upravi i izvještavanje o rezultatima internih kontrola	Direkcija za finansije - Porezna uprava Brčko distrikta BiH	Kontinuirano	Broj provedenih internih kontrola i izrađenih izvještaja o rezultatima internih kontrola	Raspoloživi resursi / u skladu sa funkcionalnim nadležnostima

OPĆE AKTIVNOSTI					
Broj aktivnosti	Naziv aktivnosti	Provodioci	Rok za provođenje	Indikator uspješnosti	Potrebni resursi

1.5.1.3.	Odlukom o imenovanju lica za prijem roba, usluga ili radova, kao i nadzornog organa, precizno definisati njihove zadatke i odgovornosti kako bi se spriječile nepravilnosti koje se kasnije ne mogu ispraviti	Svi organi javne uprave i institucije u Brčko distriktu BiH“	Kontinuirano	Broj donesenih odluka o imenovanju lica za prijem roba, usluga ili radova, te nadzornog organa, s jasno definisanim zadacima i odgovornostima	Raspoloživi resursi / u skladu sa funkcionalnim nadležnostima
2.3.1.4.	Na osnovu rezultata analize predložiti izmjene pojedinih zakonskih propisa kojima bi se inspekcijski nadzor podigao na viši nivo	Organi i institucije koje budu prepoznate u analizi – predlagači, Vlada Brčko distrikta BiH i Skupština Brčko distrikta BiH	IV. kvartal 2028. godine	Izmijenjeni i usvojeni zakonski propisi kojim je inspekcijski nadzor podignut na viši nivo	Raspoloživi resursi/u skladu sa funkcionalnim nadležnostima
2.3.1.6.	Donijeti novi zakon kojim bi se kaznene odredbe prilagodile trenutnom vremenu	Organi i institucije koje budu prepoznate u analizi – predlagači, Vlada Brčko distrikta BiH i Skupština Brčko distrikta BiH	IV. kvartal 2028. godine	Usvojen novi zakon sa ažuriranim kaznenim odredbama usklađenim s trenutnim potrebama i standardima	Raspoloživi resursi/u skladu sa funkcionalnim nadležnostima
2.3.2.2.	Izmjena Zakona o prekršajima, odnosno Krivičnog zakona kojima bi se zaštitio lični integritet svih javnih službenika i namještenika, a samim tim i inspektora	Organi i institucije koje budu prepoznate u analizi – predlagači, Vlada Brčko distrikta BiH i Skupština Brčko distrikta BiH	IV. kvartal 2028. godine	Usvajanje izmjena Zakona o prekršajima i Krivičnog zakona koje uključuju odredbe za zaštitu ličnog integriteta javnih službenika i namještenika, a samim tim i inspektora	Raspoloživi resursi/u skladu sa funkcionalnim nadležnostima

3.2.1.1.	Izraditi plan za borbu protiv korupcije	Svi organi javne uprave i institucije u Brčko distriktu BiH	I. kvartal 2025. godine	Usvojen i objavljen plan za borbu protiv korupcije	Raspoloživi resursi/u skladu sa funkcionalnim nadležnostima
3.2.1.2.	Izraditi plan integriteta	Svi organi javne uprave i institucije u Brčko distriktu BiH	I. kvartal 2027. godine po potrebi i češće	Usvojen i objavljen plan integriteta	Raspoloživi resursi/u skladu sa funkcionalnim nadležnostima
3.3.1.1.	Izvještavanje o realizovanim i nerealizovanim aktivnostima iz Akcionog plana u skladu sa Zakonom o Uredu za prevenciju korupcije i koordinaciju aktivnosti na suzbijanju korupcije	Svi organi javne uprave i institucije u Brčko distriktu BiH	2x godišnje	Dostavljen izvještaj Uredu za prevenciju korupcije i koordinaciju aktivnosti na suzbijanju korupcije u Brčko distriktu BiH o realizovanim i nerealizovanim aktivnostima iz Akcionog plana 2025–2028. godina	Raspoloživi resursi/u skladu sa funkcionalnim nadležnostima
3.3.1.2.	Izvještavanje o provođenju mjera iz planova integriteta	Svi organi javne uprave i institucije u Brčko distriktu BiH	1x godišnje	Dostavljen izvještaj o realizovanim mjerama iz planova integriteta	Raspoloživi resursi/u skladu sa funkcionalnim nadležnostima

Broj predmeta: 02-04.1-689/25

Brčko, 2. 6. 2025. godine

Direktor Direkcije

Janja Geljić, dipl. oec.